



2019-3

16. september 2019

Nal. nr./j.nr.: 2016-909-0007

All. nr./brevnr.: 63157

Sull./sagsbeh.: MALL/oh

Pineqartut:

Akuersineq, iliuusissatut

pilersaarutit

**Qaasuitsup Kommuniani meeqqanik angerlarsimaffiup
avataanut akuersisitsilluni inissiinerit pillugit sulianik
arfinilinnik misissuineq**

Meeqqanik angerlarsimaffiup avataanut inissiinerit pillugit sulianik ilaatigut taamanikkut Qaasuitsup Kommuniusup suliarinnitarneranik ataatsimut misissuinermit Ombudsmandi 2015-imi aallartitsivoq.

Misissuineq Ombudsmandi pillugu inatsimmi § 15, imm. 2 tunngavigalugu aallartinneqarpoq, tassuunalu aalajangersarneqarpoq Ombudsmandi oqartussaasup sulianik suliarinninera pillugu ataatsimut misissuiffiginninnermik aallartitsisinnaasoq. Misissuineq taamaalilluni naammagittaalliummik aalajangersimasumik tunngaveqanngilaq.

Misissuinermi atugassatut suliat qulit tigulaarinikkut toqqarneqarput, tassa suliat angajoqqaanik akuersisitsilluni meeqqanik angerlarsimaffiup avataanut inissiinernut tunngasut.

Qaasuitsup Kommunia 1. januar 2018-imi Avannaata Kommunianut Kommune Qeqertalimmullu avinneqarpoq. Tamatuma kingorna meeqqat inissinneqarnerminni illoqarfinni nunaqarfinni luunniit ullumikkut kommunit taakku arlaannut ilaasuni najugaqartut inissinneqarnerinut tunngasut suliat arfinillit toqqarneqarput.

*Misissuataarinermi suliani arfinilinni tamani akuersinermut up-
pernarsaatnik iliuusissanullu pilersaarutinik peqarnera Ombuds-
mandip pitsasutut isigaa. Peqatigitilluguli Ombudsmandip taku-
sinnaavaa sulianit arfiniliusunit tallimani Qaasuitsup Kommunia
isorisariaqartunik kukkussuteqarsimasoq.*

Ombudsmandip tamanna ernumanartutut isigaa.

*Kommunip Qaasuitsup Kommuniata avinneqarnerata kingorna
sulianik tigusisup Ombudsmandimut akissummini ajuusaarutigaa
Qaasuitsup Kommunia sulianik suliarinninnermini kukkussute-
qarsimammat. Kommunip ilanngullugu ilisimatitsissutigaa suli-
assanik suliarinnittarneq pitsaanerulersinniarlugu, pitsaassuse-
qartitsineq qaffasinnerulersinniarlugu sulianillu suliarinninnermi
kukkunerit ikinnerulersinniarlugit suliniutinik assigiinngitsunik
aallartitsisimalluni.*

Tamanna Ombudsmandip tusaatissatut tiguaa.

*(Nalunaarusiaq 2. september 2019-imeersoq; nalunaarusiap
kalaallisuu 16. september 2019-imi iluarsiissuteqarfingeqar-
toq; j.nr. 2016-909-0007)*

Suliami akuusut ilisarnarunnaarsarneranni taaguutit uku atorneqarput:

Kommuni K: Kommuni Qaasuitsup Kommuniata avinneqarnerata kingorna sulianik tigusisoq. Meeqqat inissinneqarnerminni illoqarfinni nunaqarfinni-luunniit ullumikkut Kommuni K-mut ilaasuni najugaqarput.

M1: Meeraq 1.

M2: Meeraq 2.

M3: Meeraq 3.

M4: Meeraq 4.

M5: Meeraq 5.

M6: Meeraq 6.

Ombudsmandip nalunaarusiaa:

1. Aallaqqaasiut

Kommunip meeraq angerlarsimaffiup avataanut, soorlu ulloq unnuarlu paaqqinniffimmuit ilaqtariinniluunniit paarsassanngorlugu, aatsaat angajoq-qaat akuersippata aallaavittut inississinnaavaa. Meeraq 15-iliisimappat kommunip meeraq nammineq aallaavittut taamatuttaaq akuersitissavaa.

Kommunip meeraq akuersisoqanngikkaluartoq angerlarsimaffiup avataanut aamma inississinnaavaa, taamatulli inissiinissamut piumasaqaatit meeqqat pillugit inatsisiliornermi sakkortunerujussuupput. Taamaattumik kommunip akuersisitsilluni inissiisarneq pillugu malittarisassat atorniarunigit akuersiso-qarsimaneranik uppernarsaasinnaanera pingaartuuvoq.

Kommuni meeqqamik angerlarsimaffiup avataanut inissiiguni meeqqamut tassunga iliuusissanut pilersaarut suliarissavaa, tassanilu inissiinerup qanoq sivisutiginissaanik naatsorsuutiginninneq ilaatigut nalunaassallugu.

Nalunaarusiaq manna QaaSuitsup Kommuniani (massakkut Kommuni K) sulianik arfinilinnik akuersisitsilluni meeqqanik angerlarsimaffiup avataanut inissiinernut tunngasunik misissuininnik imaqarpoq.

Uanga Ombudsmanditut isumaginninnermik suliaqarneq pillugu immikkut ilisimasaqanngilanga. Taamaattumik pisuni ataasiakkaani inissiinerit isumaginninnermik suliaqarnermi tunngavilersorluagaanersut pissusissamisothersulluunniit naliliinissannut tunngavissaqanngilanga.

Taamaattumik sulianik misissuininni akuersisoqarsimanersoq, akuersinermik tunuartitsisoqarsimappat kommunip tunuartitsinermik nalunaarutit pissusisaatut misissorsimanerai, kommuni iliuusissanut pilersaarutinik suliaqarsi-manersoq iliuusissanullu pilersaarutini taakkunani inissiinerup qanoq sivisu-

tiginissaata naatsorsuutigineqarnera nalunaarneqarsimanersoq misissortarpakka.

Uanga misissuinera Ombudsmandi pillugu inatsimmi § 15, imm. 2 tunngavigalugu aallartinneqarpoq, tassuunalu aalajangersarneqarpoq oqartussaasup sulianik suliarinninnera Ombudsmandip ataatsimut misissuiffigisinnaagaa. Taamaalilluni misissuineq manna naammagittaalliuummik aalajangersimasumik pissuteqanngilaq.

Kommuni K nalunaarusiaagallartoq pillugu oqaaseqaateqarnissaminut peri-arfissinneqarsimavoq. Kommunip oqaaseqaatai e-mailikkut 26. august 2019-imeersukkut ilangussartalikkut tigusakka nalunaarusiamni ilangunneqarput.

Sulianik pineqartunik misissuinermi atorneqartussanik toqqaaneq imm. 2-mi sukumiinerusumik allaaserineqarpoq, misissuinermillu killissaliinera imm. 3-mi nassuiardeqarluni. Misissuininni paasisakka imm. 4-7-imi allaaserineqarput. Imm. 8 eqikkaalluni inerniliinermik imaqarpoq.

2. Sulianik misissuinermi atorneqartussanik toqqaaneq

Taamani Qaasuitsup Kommuniusoq allakkatigut 23. juni 2015-imeersutigut nalunaarfigaara ilaatigut Qaasuitsup Kommuniata sulianik meeqqanik angerlarsimaffiup avataanut inissiinermut tunngasunik suliarinnittarnera ataatsimut misissuiffiginiarlugu aalajangertunga.

Kommuni qinnuigaara suliad kommunip – angajoqqaatut oqartussaassuseqarnermik tigummiaqartoq akuersitillugu akuersitinnaguluunniit – piffissami 1. maj 2014-imit 23. juni 2015-imut meeqqat angerlarsimaffiup avataanut inissinneqarnissaannik aalajangiinerinut tunngasut tamaasa pillugit takustutissiaq misissuinermi atugassaq uannut nassiuteqquullugu. Kommuni qinnuigaara meeqqat inissiineq sioqqullugu illoqarfimmi nunaqarfimmiluunniit sumi najugaqarsimanerat takussutissiami paasissutissiissutigeqquullugu. Oqaa-

tigaara suliat arlallit takussutissiaq taanna tunngavigalugu immikkoortikku- maarikka sukumiinerusumik misissuiffigisassanngorlugit.

Qasuitsup Kommuniata kommunimi piffissami taaneqartumi suliat inissiernut tunngasut pillugit takussutissiaq e-mailikkut 27. august 2015-imeersukkut nassiuppa.

Suliat qulit angajoqqaat akuersitillugit inissiiviusimasut tamatuma kingornatigut tigulaarinikkut immikkoortippakka. Kommuni allakkatigut 12. november 2015-imeersutigut qinnuigaara suliani taakkunani allagaatit allaqqaarneqarneri uannut nassiuteqqullugit. Suliani allagaatit allakkatigut 30. november 2015-imeersutigut 9. februar 2016-imeersutigullu aamma e-mailigit 24. juni 2016-imeersukkut 29. juni 2016-imeersukkullu tiguakka.

Sulianit taakkunannga tigusannit suliani marlunni allagaatit taamaallaat meeqqat angerlartinneqarnissaat pillugu aalajangiinernut tunngasuupput. Taamaattumik suliat taakku marluk misissuininni ilaatinneqangillat.

Qasuitsup Kommunia Avannaata Kommunianut aamma Kommuni Qeqertalimmut 1. januar 2018-imi avinneqarpoq.

Nalunaarusiami matumani suliat arfinillit immikkut toqqakkat meeqqanut inissiinerup nalaani illoqarfinni nunaqarfinniluunniit ullumikkut Kommuni K-miittuni najugaqartunut tunngasut misissorpakka. Pineqartut ukuupput:

- M1, inuusoq [.....]
- M2, inuusoq [.....]
- M3, inuusoq [.....]
- M4, inuusoq [.....]
- M5, inuusoq [.....]
- M6, inuusoq [.....]

3. Misissuinermk killissaliineq

Meeqjanik angerlarsimaffiup avataanut inissiarneq pillugu malittarisassat atuuttut meeqqat tapersorsorneqarnissaannut Inatsisartut inatsisaatigut nr. 20-kkut, 26. juni 2017-imeersukkut (matuma kingornatigut meeqjanik tapersersuisarneq pillugu inatsimmik taaneqartartussakkut) ilaatigut aalajangersarneqarput. Inatsit taanna 1. juli 2017-imi atuutilerpoq.

Sulianili arfinilinni taakkunani misissukkanni angerlarsimaffiup avataanut inissiisoqarnissaanik kommunip aalajangiineri meeqjanik tapersersuisarneq pillugu inatsisip atuutilernera sioqqullugu pisimapput.

Taamaattumik suliat arfinillit taakku taamani malittarisassat atuuttut tunngavigalugit naliliiffigineqassapput. Malittarisassat taakku meeqjanik ikorsiisarneq pillugu Inatsisartut peqqussutaanni nr. 1-imi, 15. april 2003-meersumi kingusinnerusukkut allannguiteqartinneqarsimasumi (matuma kingornatigut Inatsisartut peqqussutaannik taaneqartartussami) meeqjanik tapersersuisarneq pillugu Inatsisartut inatsisaata atuutilerneratigut atorunnaarsinneqartumi ilaatigut aalajangersarneqarsimapput.

Imm. 1-imi oqaatigineqartutut uanga Ombudsmanditut isumaginninnermik suliaqarneq pillugu immikkut ilisimasaqanngilanga, taamaattumillu pisuni ataasiakkaani inissiinerit isumaginninnermik suliaqarnermi tunngavilersorluaganersut pissusissamisoornersulluunniit naliliinissannut tunngavissaqanngilanga.

Taamaattumik misissuininni piumasaqaatit kommuninit meeqqat pilligit inatsit tunngavigalugu eqqortinneqartussat tassunga taarsiullugu aalluppakka.

Meeqqat pilligit inatsisip qulaani oqaatigineqartutut allanngortinneqarsimana era isiginiarlugu piumasaqaatit meeqjanik tapersersuisarneq pillugu inatsisikkut ingerlateqqinnejqarsimasut taamaalillutillu kommunit suliani akuersitsilluni inissiinernut tunngasuni suli eqqortitassaasa ilaat arlallit matumani toqqarpakka.

Taamaattumik misissuinera apeqqutinut ukununnga tulliuttuni immikkoortu-ni 4-7-imni allaaserineqartunut killilerniarlugu aalajangerpunga:

- Kommunip suliani pineqartuni taakkunani angajoqqaat akuersisimane-rat meerarlu 15-iliisimappat meeqqap akuersisimanera upternarsaa-tissaqartissimavai?
- Akuersineq utertinneqartoq nalunaarutigineqarsimappat tamanna kommunip pissusissaatut malitseqartitsivigisimavaa?
- Meeqqamut iliuusissanut pilersaarut kommunip suliani pineqartuni su-liarisimavaa?
- Inissiineq qanoq sivisutigissasoq naatsorsuutigineqartoq suliani pine-qartuni iliuusissanut pilersaarutini suliarineqarsimasuni kommunip o-qaatigisimavaa?

4. Akuersinermut upternarsaatit

4.1. Inatsiseqartitsinikkut tunngavigisaq

Inatsisartut peqqussutaanni § 9, imm. 2, nr. 10-kkut, tak. imm. 1, aalaja-nersarneqarpoq meeraq angerlarsimaffiup avataanut inissinneqassasoq kommuuni aalajangiisinnaasoq, angajoqqaatut oqartussaassusermik tigum-miaqartoq meerarlu nammineq 15-ileereersimaguni tamatumunnga akuer-sippata.

Tassa imaappoq angajoqqaat meerarlu 15-ileereersimasoq inissiinermut a-kerliuppata kommunip meeraq angerlarsimaffiup avataanut aallaavittut inis-sissinnaanngikkaa.

Kommunili pisuni aalajangersimasuni aalajangiisinnaavoq meeraq angerlar-simaffiup avataanut inissinneqassasoq, naak akuersisoqanngikkaluartoq. Tamannali meeqqamut angajoqqaanullu annertoorujussuarmik akuliunneru-voq, taamaattumillu piumasaqaatit sukannersut arlallit atuullutik.

Taamaalilluni akuersisitseqqaarani inissiisoqassappat piumasaqaataavoq meeqqap naammanngitsumik isumagineqarnera pineqarneraluunniit, persuttaaneq allatigulluunniit ilungersunartumik innarliineq, atornerluinermik ajornartorsiutit, pinerlunniartutut pissusilersornerit allatulluunniit meeqqap inooqataanerani ajornartorsiutit meeqqalluunniit allatigut pissusilersornerani naleqqussarniarneraniluunniit ajornartorsiutit pissutigalugit meeqqap peqqissusiata ineriartornerataluunniit ilungersunartumik ajoquserneqarsinnaanera qularnaatsumik ulorianartorsiortinneqarsimassasoq, tak. Inatsisartut peqqussutaanni § 10, imm. 1.

Tamatuma saniatigut ajornartorsiutit meeqqap angerlarsimaffimmiginnanneratigut aaqqinnejqarsinnaannginnissaat pissutissaqartumik ilimagineqas-saaq, tak. Inatsisartut peqqussutaanni § 10, imm. 2.

Inatsisartut peqqussutaat akuersinerup qanoq ililluni pinissaa pillugu piumasaqaatinik imaqanngilaq. Naalakkersuisulli meeqqanik inuusuttunillu ikorsii-sarneq pillugu ilitsersuusiaanni oqaatigineqarpoq "akuersinerup Kommunalbestyrelsip suliamik Isumaginninnermi Ataatsimiitaliamut suliarinnits-sinnginnerani suliamik suliarinninnermi allakkatigut pissarsiarineqarnissaa naleqqunnerpaatut isigisariaqartoq".

Kommunip akuersineq akuersiumannginnerluunniit oqaasiinnartigut pissarsiarguniuk tamatuma suliami allannissaanut aamma pisussaaffeqartussaavoq. Tamanna pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni nr. 9-mi, 13. juni 1994-imeersumi kingusinerusukkut allannguiteqartinnejqarsimasumi § 6-im i allattuisussaatitaaneq pillugu malittarisassatigut aalajangersarneqarpoq.

4.2. Suliani pineqartuni akuersineq pillugu upternarsaatit

Misissuininni malugaara suliani arfinilinni tamani akuersineq pillugu allakkatigut upternarsaatit angajoqqaamit angajoqqaanilluunniit marluusunit atsiorneqarsimasut ilaasut.

Suliami M1-imut tunngasumi, suliani arfinilinni taakkunani kisiartaalluni 15-inik ukioqalereersimasumut tunngasumi, meeraq kommunip aammattaaq a-kuersitittussaavaa. Misissuininni malugaara akuersinermut upternarsaat taman na tunngavigalugu aamma M1-imit atsiorneqarsimasoq.

5. Akuersinermik tunuartitsineq

5.1 Inatsiseqartitsinikkut tunngavigisaq

Meeraq akuersisitsinikkut inissinneqarpat, akuersinerli taanna kingusinnerusukkut tunuartinneqarpat – tassa angajoqqaat meeraruunniit 15-ileereersimasoq peqqissimilerpata – meeraq kommunip angerlartissavaa imaluunniut nutaamik aalajangiissalluni. Taamaalilluni meeraq aatsaat inissimaannarsinnaavoq, kommuuni Inatsisartut peqqussutaanni akuersisitsinani inissiisarniq pillugu § 10-mi imm. 4.1-imi sukumiinerusumik eqqartorneqartumi maliitarisassat tunngavigalugit aalajangiippat, imaluunniit § 29 tunngavigalugu aalajangiippat, tassuunalu aalajangersarneqarpoq angerlarsimaffiup avataanut inissiineq unissanngitsoq communalbestyrelsi aalajangiisinjaasoq, inisiinermik unitsitsineq meeqqap pisariaqartitaanut akerliuppat.

5.2. Suliani pineqartuni akuersinermik tunuartitsineq

Misissuininni malugaara suliat tallimat akuersinerup tunuartinneqarnera pililugu paasissutissanik imaqanngitsut.

Suliarli M3-mut tunngasoq paasissutissamik taamaattumik imaqarpoq.

Suliamit erserpoq M3 ilaqtariinni paarsassatut angajoqqaat akuersitillugit 2014-imi siullermik inissinneqarsimasoq. Akuersinermut upternarsaat nutaq angajoqqaat marluullutik atsiorpaat, tassanilu oqaatigineqarluni meeqqap ilaqtariinni paarsassatut inissinneqarnerminut taarsiullugu ulloq unnarlu paaqqinniffimmut erseqqinnerusumik taaneqartumut inissinneqarnissaangajoqqaat akuerigaat.

Tamatuma kingornatigut sulami allattuiffimmi 27. maj 2015-imi ullulerneqarsimasumi oqaatigineqarpoq angajoqqaat "ulloq unnuarlu paaqqinniffimmut inissiinermut akuersinermik tunuartitsineq" pillugu allagaat kommunip tigusimagai. Allakkat taakku sulami nalunaarsorneqarsimanngillat.

Suliamik suliariinnittooq sulami allattuiffimmi taaneqartumi nangilluni allapoq allakkat taakku ingerlateqqillugit e-mailikkut nassiuunneqarsimasut, kommunillu isumaginninnermi pisortaa akuliutsinneqartariaqarsimasoq, ilaatigut "§ 10 atorneqassappat angajoqqaat oqaloqtigineqartussaanerat pisutigalugu". Naatsorsuutigaara taanna tassaasoq Inatsisartut peqqussutaanni § 10-mi akuersisitsinani inissiinermut tunngasumut innersuussut.

Suliamik suliariinnittup taassuma sulami allattuiffik nutaaq sulami allattuifrittut 27. maj 2015-imeersutut illuinnangajattumik imalik 10. juni 2015-imi pilersissimavaa.

Kommunili angajoqqaat akuersinerminnik tunuartitsinerannut atatillugu tamatuma kingornatigut annertunerusumik iliuuseqarsimanersoq sulami allagaatit kommunimit tigusakka aallaavigalugit takusinnaanngilara. Taamaalil-luni sulami allattuiffimmi annertunerusumik iliuuseqarsimaneq, sulisut isumaliutersuutigisimasaat allaffigeqatigiittarnermiluunniit allagaasimasut pillugit allattukkanik peqanngilaq, pingartumillu akuersisitsinani inissiisoqarnissaanik Inatsisartut peqqussutaanni § 10 tunngavigalugu aalajangiisoqarsimanani imaluunniit meeqqap angerlartinneqarsimanera pillugu paassisutisanik peqarani.

Tamatumani oqaatigaara sulami allagaatit kommunip uannut 9. februar 2016-imi nassiuessimagai takuneqarsinnaasoq, tassalu sulami allattuiffimmi angajoqqaat akuersinerminnik tunuartitsisimanerat pillugu 27. maj 2015-imi allattuisoqarsimanerata kingornatigut qaammatit arfineq pingasut sinnerlugit qaangiunneranni.

Uanga paasinninnea unaavoq sulami matumanisut ittumi angerlartinneqarnissamik qinnutigisaq akuerineqarsinnaanersoq kommunip sapaatit akunne-

risa arlallit sivisunerpaamilluunniit qaammatalunnguit ingerlaneranni isum-merfigisariaqaraa.

Oqaaseqaatiga 2019-2, imm. 6.6, nittartakkanni atuarneqarsinnaasoq ilaati-gut innersuussutigaara.

Angajoqqaat allagaasa Qaasuitsup Kommunianit inatsit tunngavigalugu pis-susissaatut malitseqartitsivigineqarsimanninnerat Kommuni K-p piffissap tamatuma nalaani tusarniaaninnut akissummini ajuusaarutigaa. Kommunip aammattaaq oqaatigaa tamanna immikkoortortaqarfinni pisortat ataatsi-miinneranni oqaluuserineqarniartoq.

M3-p angajoqqaavisa inissiinermut akuersinerminnik tunuartitsinertik pillugu allagaasa Qaasuitsup Kommunianit pissusissaatut malitseqartitsivigineqarsimanninnerat isorisariaqartutut isigaara.

6. Iliuusissanik pilersaarutit suliarineqarnerat

6.1. Inatsiseqartitsinikkut tunngavigisaq

Inatsisartut peqqussutaanni § 14, imm. 1-ikkut aalajangersarneqarpoq kommunip meeqqamik angerlarsimaffiup avataanut inissiisup iliuusissanut pilersaarut suliarissagaa. Anguniagaasoq taassavoq meeqqap siunertaqartumik suliniuteqarfigineqarnerata qulakkeerneqarnissaa, taamaattumillu iliuusissanut pilersaarut meeqqamut pineqartumut atugassatut suliarineqassal-luni, tak. Inatsisartut peqqussutaanni § 15, imm 1-im i oqaaseqatigiit siulliit aappaallu.

Inatsit piareersarlugu suliani aammattaaq makku oqaatigineqarput:

"Meeqqamik nukinginnartumik inisseeqattaarnermi iliuusissanik pilersaarusiakkut ersarinnerulissaq meeqqamut/ilaqtariinnut ikorsiiniutnik aallartitsisoqartaria-qartoq taamaalilluni ajornartorsiutit alliartuinnarnissaat pitsaaliorneqarsinnaaler-luni."

6.2. Suliani pineqartuni iliuusissanut pilersaarutit suliarineqarneri

Misissuininni malugaara suliani arfinilinni tamani iliuusissanut pilersaarutit suliarineqarsimasut. Iliuusissanut pilersaarutit katillugit 17-it ilaapput. Suliamti ataatsimi iliuusissanut pilersaarutit arfineq marluk ilaapput, suliallu sinerini iliuusissanut pilersaarutit 1-3-t ilaallutik.

Sulialli M6-imut tunngasup oqaaseqaateqarnissannut pissutissaqalersippaa-nga.

Suliamti tassani iliuusissanut pilersaarutit inissiinermut kommunip 2015-imi martsimi aalajangiiffigisaanut 2015-imilu septemberimi atorunnaarsimasumut tunngasuusut takuneqarsinnaavoq.

Suliamili allagaatit kommunip M6-imik anaanaasoq akuersitillugu inissiinarluni suliniuteqartarsimanera pillugu paasissutissanik arlalinnik imaqarput, i-laatigut piffissani sivikinnerusuni 25. oktober 2014-imit, 4. november 2014-imit, 30. januar 2015-imit aamma 21. april 2016-imit.

Kommuni inissiinerni taakkunani Inatsisartut peqqussutaanni § 14, imm. 1-imi peqqussutigineqartutut iliuusissanut pilersaarutinik suliaqartarsimanngitsoq takuneqarsinnaavoq.

Qaasuitsup Kommuniata sivikitsumik inissiinerni arlalinni inissiisoqarnerit tamaasa iliuusissanut pilersaarummik suliarinnittarsimannginnera Kommuni K-p piffissap tamatuma nalaani tusarniaaninnut akissummini ajuusaarutigaa. Kommunip aammattaaq oqaatigaa tamanna immikkoortortaqarfintti pisortat ataatsimiinneranni oqaluuserineqarniartoq.

Qaasuitsup Kommuniata pisut ataasiakkaarlugit iliuusissanut pilersaarut suliarinagu M6-imik arlaleriarluni sivikitsumik inissiisarsimanera isorisariaqartutut isigaara.

7. Inissiinerup qanoq sivisutiginissaata naatsorsuutigineqarneranik paasissutissiissutiginninneq

7.1. Inatsiseqartitsinikkut tunngavigisaq

Iliusissanut pilersaarummi inissiinerup siunertaa siunertarlu anguniarlugu suliniutit suut pisariaqarnerat ilaatigut oqaatigineqassaaq. Suliniutip qanoq sivisutiginissaata naatsorsuutigineqarnera taakkua saniatigut oqaatigineqassaaq. Piumasaqaatit taakku Inatsisartut peqqussutaanni § 15, imm. 1-im o-qaseqatigiit aappaasigut pingajuisigullu aalajangersarneqarput.

Inatsit piareersarlugu suliani oqaatigineqarpoq inissiinerup sivisussusissaattut naatsorsuutigineqartoq oqaatigineqassasoq “meeqqap angajoqqaallu ilisimaniassammassuk qaammatit ukiulluunniit pineqarnersut”.

7.2. Suliani pineqartuni inissiinerup qanoq sivisutiginissaata naatsorsuutigineqarneranik paasissutissiissutiginninneq

Misissuininni malugaara iliuusissanut pilersaarutinit 17-iusunit qulini inissiinerup qanoq sivisutiginissaata naatsorsuutigineqarnera paasissutissiissutigineqarsimasoq.

Taamaalillutik iliuusissanut pilersaarutit sinneri arfineq marluk inissiinerup qanoq sivisutiginissaata naatsorsuutigineqarneranik Inatsisartut peqqussutaanni § 15, imm. 1-im oqaaseqatigiit pingajuanni peqqussutigineqartutut paasissutissamik imaqanngillat. Iliusissanut pilersaarutit taaneqartut suliani M1-imut, M2-mut, M3-mut M5-imullu tunngasuniippuit.

Qasuitsup Kommuniata suliani taakkunani suliniutit sivisussusissaannik iliuusissanut pilersaarutini eqqaasaqartarsimanginnera Kommuni K-p piffis-sap tamatuma nalaani tusarniaaninnut akissummini ajuusaarutigaa. Kom munip aammattaaq oqaatigaa tamanna immikkoortortaqarfinni pisortat a-taatsimiinneranni oqaluuserineqarniartoq.

Suliat ilaanni sisamani iliuusissanut pilersaarutinik inissiinerup qanoq sivisutiginissaata naatsorsuutigineqarnera pillugu paasissutissartaqanngitsunik peqarnera isorisariaqartutut isigaara.

8. Eqikkaalluni inerniliineq

Suliani arfinilinni tamani akuersinermut uppermarsaatinik iliuusissanullu pilersaarutinik peqarnera pitsasutut isigaara. Tamatumunngali peqatigitillugu takusinnaavara Qaasuitsup Kommunia sulianit arfiniliusunit suliani tallimani isorisariaqartunik kukkussuteqarsimasoq. Tamanna ernumanartutut isigaara.

Kommuni K-p tusarniaaninnut akissummini oqaatigaa kommunip sulianik suliarinneriaatsit, suliat ingerlasarnerinik allaaserinninnerit, malinnaavigin-niffissat il.il pingaartumik sulianik meeqqanut tunngasunik suliarinninnermi atugassat ineriartortillugit massakkut suliarigai. Pilersaarutaavoq kommunimi sulianik suliarinnittut tamatuma kingornatigut atortussat suliarineqartut taakku qanoq atornissaat pillugit pikkorissarneqarnissaannik suleqatigiillu imminnut ilinniarteqatigiittarnissaannik 2019-imi ukiakkut neqeroorfingeqassasut.

Kommuni K-p aammattaaq oqaatigaa sulisunik piukkunnaatilinnik sulisussarsniarneq kommunip immikkut ajornartorsiutigigaa. Taamaalilluni kommunip aqutsinermik nakkutiliineq aaqqissuussaanerusoq piviusunngortinniarlu suliniutini annertusisimavaa, taamatuttaarlu sulianik suliarinnittut marluk isumaginninnermi siunnersortitut ilinniarsimasut angalatinneqartartussat kommunip atorfinitssinniarlugit. Taakkua suliassaat tassaassaaq ilaqtariinnut immikkoortortaqarfinni sulisunik ikiuineq, pingaartumik suliani ajornakusoortuni, suleqatigiikkuutaallu suliatigut pisariaqartinneqartunik pisinnaasaqanngitsut ingerlaavartumik ilinniarteqatigiissinneqartarerat isumagissallugu.

Kommuni K-p ilisimatitsissutigaa kommu ni naliliisoq sulianik suliarinninneq suliniutitigut taakkunatigut pitsaunerulersinneqarsinnaasoq, pitsaassuseqar-

tit sineq qaffas innerulersin neqarsinna asoq sulian illu suli arinn innermi kukku-
nerit ikinnerulersin neqarsinna asut.

Kommuni K-p oqaatigisai tusaatissatut tiguakka.

Oqaaseqaat manna oqaaseqaammi pineqartut kikkuussusii ilisarnarunnaar-
sillugit nittartakkanni tamanut saqqummiun neqarumaarpoq 2019-imilu uki-
umoortumik nalunaarutinni ilanngunneqarumaarluni.

Suliami matuma kingornatigut annertunerusumik iliuuseq aqqissanngilanga.